



XIV
232589



DECLARATION D V R O Y , E N

consequence de ses lettres patentes
du mois de May dernier, donnees
en faueur des Princes, Ducs, Pairs,
Officiers de sa Couronne, & tous
autres qui les ont assiste pendant
leur eslongnement de sa Cour.

*Verifiee en Parlement le 7.
Aoust, 1617.*



A PARIS,

Par FED. MOREL, & P. METTAYER,
Imprimeurs ordinaires du Roy.

M. DC XVII.

Avec Privilege de sa Maieste.

Case

F

39

326

1617 fsc

THE NEWBERRY
LIBRARY



LOVYS par la
grace de Dieu,
Roy de France
& de Nauarre,

A tous ceux qui ces pre-
sentes lettres verront, Sa-
lut. Puisque par nos lettres
patentes du mois de May
dernier, Nous auons re-
cognu pour nos bons &
loyaux sujets & seruiteurs
les Princes, Ducs, Pairs,
Officiers de nostre Cou-

A ij

ronne, & tous ceux qui les
auoient assiste, & qui
coniointement avec eux
s'estoient retirez de nostre
Cour, & pris les armes
pour s'opposer aux vio-
lances dont le Marechal
d'Ancre se seruoit pour les
opprimer & ruiner: Il ait
esté de nostre Royale bon-
té de les traicter fauorable-
ment, & pouruoir à ce
qu'eux & ceux qui les ont
suiuis fussent restablis en
tous leurs biës & hōneurs,
comme nous auons or-
donné par nosdites lettres:

Mais pource que par icelles nous n'auons pas particulierement pourueu au faiet des procez ciuils ou criminels, qui durant le temps de leur absence pouuoient auoir esté iugez cōtre eux, nous ayant faiet remonſtrer ſouuent le dommage qu'ils en receuoient, Nous auons eſtimé de noſtre iuſtice & de bonnaireté de leur donner ſur ce les prouiſiōs neceſſaires. C'eſt pourquoy apres auoir deliberé de cet affaire en noſtre Conſeil, où eſtoient

aucuns Princes , Ducs,
Pairs , Officiers de nostre
Couronne, & principaux
Seigneurs de nostredit Cō-
seil : De l'aduis d'iceluy, &
de nostre certaine science,
pleine puissance & autho-
rité Royale, Nous auons
dit & déclaré, disons & de-
clarons par ces presentes
signées de nostre main, que
tous Arrests, iugemens &
procedures donnez (depuis
le premier du mois de Se-
ptēbre dernier) à l'encōtre
des susdits Princes, Ducs,
Pairs , Officiers de nostre

Courōne, & tous ceux qui
les ont assiste, en tous &
chacuns leurs procez &
differends, en quelque ma-
tiere que ce soit, ciuile ou
criminelle, en demandant
ou defendant, par deffaux
& contumace, tant en nos
Cours souueraines qu'au-
tres Iurisdicctions inferieu-
res, demeureront nuls & de
nul effect & valeur, remet-
tant les parties en leursdits
procez & differends, au
mesme estat qu'ils estoient
auparauant ledit mois de
Septembre dernier, iusques

à la verification de ces presentes. Et par ces mesmes defendons à tous nos Officiers de poursuiure ny molester les susdits Princes, & ceux qui les ont assiste pour raison de la prise des armes, & ce qui s'en est ensuiuy en faict de guerre, conformément à nosdites lettres du mois de May dernier, notamment pour prises de Chasteaux, Villes, maisons fortes, establissement de Bureaux, impositions de deniers, prises d'iceux, soit de nos tailles,
aydes

aydes ou autres subſides,
leues de gens de guerre,
couppe & enleuement de
bois en nos forests, butins
& rançons, priſes de pac-
quets, cheuaux, armes,
meubles, vaiſſeaux de mer,
& toutes ſortes de marchā-
diſes appartenāſ à qui que
ce ſoit, pendant le dernier
trouble & priſe des armes
depuis ledit premier iour
de Septembre de l'annee
paſſée, iuſques à la publica-
tion de noſdites lettres de
Declaration dudit mois de
May dernier en noſdites

Cours de Parlement : Cō-
me aussi de fabrication de
monnoye faite de leur vais-
selle d'argēt, à nos coings &
armes, pourueu qu'elle soit
du mesme titre & valeur, à
quoy ils auroient esté ne-
cessitez pour payer leurs
gens de guerre pendant le-
dit mouuement. Et que en
vertu & consequence d'i-
celles & des presentes, ils
ayent à remettre en liberté
ceux qui pour les faicts cy
dessus specifiez, & autres
concernans ladite leuee
d'armes & actes d'hostilité,

seroient detenus en nos prisons, conformément aux susdites Declarations, lesquelles nous voulons estre gardées & obseruées selon leur forme & teneur. Si donnons en mandement à nos amez & feaux Conseillers les gens tenans nos Cours de Parlement, Chābres de nos Comptes, Baillifs, Seneschaux, Preuosts ou leurs Lieutenans, & tous nos autres officiers & subjets qu'il appartiendra, que ces presentes ils facent lire, publier & registrer,

garder & obseruer selon
leur forme & teneur, En-
ioignant à nos Procureurs
generaux & leurs Substi-
tuts presens & à venir, y te-
nir la main, & faire toutes
poursuittes & diligences
pour l'execution de cesdi-
tes presentes, auxquelles en
tesmoin dequoy, Nous a-
uons faict mettre nostre
seel. Car tel est nostre plai-
sir. Donné à Paris le 24.
iour de Iuillet, l'an de gra-
ce, 1617. Et de nostre regne
le huiſtiesme.

Signé, LOVIS.

Et sur le reply est escrit,
Par le Roy.

DE LOMENIE.

Et scellé sur double queüe
du grand seel de cire iaune.

*Leües, publiees & registrees, oy
& ce requerant le Procureur ge-
neral du Roy, pour auoir lieu de-
puis le premier Septembre iusques
à la publication faicte le douzi-
esme May des dernieres lettres.
Ordonne la Cour que coppies col-
lationnees seront enuoyees aux
Bailliages & Seneschauſſees, pour
y estre leües, publiees & registrees
à la diligence des Substituts du
Procureur general du Roy, qui
certifieront auoir ce faict au mois.*

*A Paris en Parlement le septies-
me Aoust, mil six cens dix-sept.*

Signé,

Vorsin.



